

摛藻堂四庫全書薈要

集部

欽定四庫全書蒼要卷一萬八千一百八十七

集部

御定全唐詩卷七百八十二

員南溟

詩二首

禁中春松

鬱鬱貞松樹陰陰在紫宸
蔥蘢偏近日青翠更宜春
雅韻風來起輕煙霽後新
葉深棲語鶴枝亞拂朝臣
全節長依地凌雲欲致身
山苗蔭不得生植荷陶鈞

玉燭

一作閏月

歷象璿璣正休徵玉燭明四時佳氣滿五緯太階平律
呂風光至煙雲瑞色呈年和知歲稔道泰喜秋成寰海
皇恩被乾坤至化清自憐同野老帝力詎能名

李胄

詩一首

文宣王廟古松

列植成均裏分行古廟前陰森非一日蒼翠自何年寒
影煙霜暗晨光枝葉妍近簷陰更靜臨砌色相鮮每愧
聞鐘磬多慙接豆籩更宜教胄子於此學貞堅

鄭述誠詩一
首

華林園早梅

曉日東樓路林端見早梅獨凌寒氣發不逐衆花開素

彩風前艷韶光雪後催藥香霑一作紫陌枝亞拂青苔

止渴曾為用和羹舊有才含情欲攀折瞻望幾裴回

宋迪詩一
首

龍池春草

鳳闕韶光遍龍池草色勻煙波全讓綠堤柳不爭新翻

葉迎紅日飄香借白蘋幽姿偏占暮芳意欲留春已勝
生金埒長思藉玉輪翠華如見幸正好及茲辰

万俟造

詩一
首

龍池春草

暖積龍池綠晴連御苑春迎風莖未偃裛露色猶新
苒苒分階砌離離雜苒蘋細叢依遠渚疎影落輕淪
引縈花蝶偏宜拾翠人那憐獻賦者惆悵惜茲辰

錢衆仲

詩二
首

貢院樓北新栽小松

愛此凌霜操移來獨占春
貞心初得地勁節始依人
籠月煙猶薄當軒色轉新
枝低無宿羽葉靜不留塵
每與芝蘭近常慙雨露均
幸因逢顧盼生植及茲辰

玉壺冰

冬律初陰結寒冰貯玉壺
霜姿雖異稟虹氣亦相符
對月光宜竝臨池影不孤
貞堅方共濟同處豈殊途
色瑩一作潤連城壁形分照乘珠
提攜今在此抱素節寧渝

呂敞 詩二首

潘安仁戴星看河陽花發

行春潘令至勤恤戴星光為政宵忘寢臨人俗冀康曉
花迎徑發新藥滿城香秀色霑輕露鮮輝麗早陽津橋
見來往空霧拂衣裳桃李今無數從茲願比方

龜茲間鶯

邊樹正參差新鶯復陸離嬌非胡俗變啼是漢音移繡
羽花間覆繁聲風外吹人言曾不辨鳥語却相知出谷

情何寄遷喬義取斯今朝鄉陌伴幾處坐高枝

鄭袞

詩一首

好鳥鳴高枝

養翮非無待遷喬信自卑影高遲日度聲遠好風隨雲
拂千尋直花催百轉竒驚人時向晚求友聽應知委質
經三歲先鳴在一枝上林如可托弱羽願差池

張公乂

詩一首

金谷園花發懷古

今日春風至花開石氏園未全紅艷拆半與素光翻點
綴疎林遍微明古徑繁窺臨鶯欲語寂寞李無言谷變
迷鋪錦臺餘認樹萱川流人事共千載竟誰論

張何

詩一首

織鳥

季春三月裏戴勝下桑來映日華冠動迎風繡羽開候
驚蠶事晚織向女工裁旅宿依花定輕飛遶樹迴欲過
高閣柳更拂小庭梅所寄一枝在寧憂弋者猜

濮陽瓘

詩一首

出籠鶻

玉鏃分花袖金鈴出彩籠
搖心長捧日逸翰鎮生風
一點青霄裏千聲碧落中
星眸隨狡兔霜爪落飛鴻
每念提攜力常懷搏擊功
以君能惠好不敢沒遙空

王若岳

詩一首

試越裳貢白雉

素翟宛昭彰遙遙自越裳
冰晴朝映日玉羽夜含霜
歲

月三年遠山川九譯長來從碧海路入見白雲鄉作瑞
興周后登歌美漢皇朝天資孝理惠化且無疆

張隨

詩二首

勅賜三相馬

上苑驂騮出中宮詔命傳九天班錫禮三相代勞年顧
主聲猶發追風力正全鳴珂龍闕下噴玉鳳池前四足
疑雲滅雙瞳比鏡懸為因能致遠今日表求賢

河中獻捷

叛將忘恩久王師不戰通
凱歌千里內喜氣二儀中
冠盡條山下兵迴漢苑東
將軍初執訊明主欲論功
落日煙塵靜寒郊壁壘空
蒼生幸無事自此樂堯風

徐仁嗣

詩一首

天驥呈材

至德符天道龍媒應聖明
追風竒質異噴玉彩毛輕
躩蹠形難狀連拳勢乍呈
効材矜逸態絕影表殊名
岐路寧辭遠關山豈憚行
鹽車雖不駕今日亦長鳴

盧征

詩一首

天驥呈材

異產應堯年龍媒順制牽權竒初得地躩蹠欲行天詎
假調金埒寧須動玉鞭嘶風深有戀逐日定無前周滿
誇常馭燕昭恨不傳應知流赭汗來自海西偏

顧偉

詩一首

雪夜聽猿吟

寒巖飛暮雪絕壁夜猿吟歷歷和羣雁寥寥思客心繞

枝猶避箭過嶺却投林風冷聲偏苦山寒響更深聽時
無有定靜裏固難尋一宿扶桑月聊看懷好音

沈鵬

詩一首

寒蟬樹

一葉初飛日寒蟬益易驚人林慙織細依樹媿身輕大
榦時容息喬枝或借鳴心由飲露靜響為逐風清忝有
翩翾分一作翼應憐嘒唳聲不知微薄影早晚挂綵纓

薛少殷

詩一首

臨川羨魚

曾是歸家客今年且未旋遊鱗方有待織網豈能捐向
水煙波夕吟風歲月遷莓苔生古岸葭莢變清川不逐
滄波叟還宗內外篇良辰難自擲此日願忘筌

張元正

詩一首

臨川羨魚

有客百愁侵求魚正在今廣川何渺漫高岸幾登臨風
水寧相阻煙霞豈憚深不應同逐鹿詎肯比從禽結網

非無力忘筌自有心永存芳餌在佇立思沈沈

御定全唐詩卷七百八十二

欽定四庫全書蒼要卷一萬八千一百八十八集部

御定全唐詩卷七百八十三

辛學士

詩一首

答王無功入長安詠秋蓬見示

托根雖異所飄葉早相依因風若有便更共入雲飛

盧尚書

詩一首

哭李遠

昨日舟還浙水湄今朝丹旆欲何為纔收北浦一竿釣

未了西齋半局碁
洛下已傳平子賦
臨川爭寫謝公詩
不堪舊里經行處
風木蕭蕭鄰笛悲

鄭僕射

詩一首

湘中怨諷

青鷁苦幽獨
隔江相對稀
夜寒蘆葉雨
空作一聲歸

鄭中丞

詩一首

登汾上閣

汾桂秋水闊
宛似到閭門
惆悵江湖思
惟將南客論

韓常侍

詩三首

為御史銜命出關讞獄道中看華山有詩

野廩蒙象暫如犀心不驚鷗角駭雞一路好山無伴看

斷腸煙景寄猿啼

御史出使不得與人同行故云無伴

寄織錦篇與薛郎中

時為補闕謝病歸山

錦字龍梭織錦篇鳳皇文采間非煙並他時世新花樣
虛費工夫不直錢

和人憶鶴

拂拂雲衣冠紫煙已為丁令一千年留君且伴居山客
幸有松梢明月天

句

情多不似家山水夜夜聲聲旁枕流

憶山泉
詩話總龜

梁補闕

詩一首

贈米都知

供奉三朝四十年聖時流落髮衰殘貪將樂府歌明代
不把清吟換好官

盧尚書

詩一首

題安國觀

東都政平坊安國觀玉真公主所建女冠多上陽退宮嬪御

夕照紗窗起暗塵
青松遼殿不知春
君看白首誦經者
半是宮中歌舞人

蘇廣文

詩三首

自商山宿隱居

一作靈一詩

聞道桃源堪避秦
尋幽數日不逢人
煙霞洞裏無雞犬
風雨林中有鬼神
黃公石上一作庭下三芝秀
陶令門前五

柳春醉卧白雲閒入夢不知何物是吾身

夜歸華川因寄幕府

山村寥落野人稀竹裏衡門掩翠微
溪路夜隨明月入亭臯春伴白雲歸
嵇康懶慢仍耽酒范蠡逋逃又拂衣
汀畔數鷗閒不起只應知我已忘機

春日過田明府遇焦山人

陶公歸隱白雲溪買得春泉溉藥畦
夜靜林間風虎嘯月明竹上露禽棲
陳倉邑吏驚烽火太白山人訝鼓鼙

相見只言秦漢事
武陵溪裏草萋萋

任生

詩一首

題升山

城外升山寺
城中望宛然
及發無半日
欲到已經年

任生

詩一首

投曹文姬詩

文姬長安中娼女
工翰墨時號書仙

玉皇前殿掌書仙
一染塵心下九天
莫怪濃香薰骨膩

雲衣曾惹御爐煙

吳公

詩一首

絕句

吳塘山田園幽曠林木蒼翠唐末有吳公者棄官隱此石上刻有詩後書乾寧三年

秋

去國投茲土編茅隱舊蹤
年年秋水上獨對數株松

曹生

詩一首

獻盧常侍

雲漢友議記盧常侍鉅牧廬江日相座薦生來署郡職生悅營妓名丹霞

者盧牧沮而不許會錢朝客於短亭生獻詩云

拜玉亭前閒送客此時孤恨感離鄉
尋思往歲絕纓事

肯向朱門泣夜長

繆氏子

詩一首

賦新月

開元時繆氏有子七歲聰慧能文以神童名試賦新月詩稱旨

初月如弓未上弦
分明挂在碧霄邊
時人莫道蛾眉小
三五團圓照滿天

京兆韋氏子

詩一首

悼妓詩

唐闕史韋嘗納一妓於洛顏色明秀尤善音律工書嘗令寫杜工部詩有訛輒

能改正韋甚溺之年二十一卒韋情痛有嵩山任處士得返魂術用一經身金縷裙導其魂招

之果映幃而出幽芳怨態若不自勝與
之言頷首而已逾刻減生長慟賦詩

惆悵金泥簇蝶裙
春來猶見伴行雲
不教布施剛留得
渾似初逢李少君

御定全唐詩卷七百八十三

欽定四庫全書薈要卷一萬八千一百八十九

集部

御定全唐詩卷七百八十四

景龍文館學士

詩一首

長寧公主宅流杯

憑高瞰迴足怡心
茵閣桃源不暇尋
餘雪依林成玉樹
殘雲點岫即瑤岑

神龍從臣

詩一首

待宴桃花園詠桃花應制

紀事張仁亶自朔方入朝中宗迎宴於桃

花園命從臣詠桃花時李嶠趙
彦昭等各有賦此詩失姓名

源水叢花無數開
丹跗紅萼間青梅
從今結子三千歲
預喜仙遊復摘來

天寶時人

詩一首

玉龍子詩

太平廣記云玉龍子本太宗晉陽宮
物文德皇后嘗賜大帝廣不數寸而

溫潤精巧非人間所有後則天以賜玄宗開元
中三輔旱祈禱無應乃密投於南山龍池風雨
隨作及上皇幸西蜀迴次渭水左
右臨流濯美沙中得之人有詩曰

聖運潛符瑞玉龍
自興雲雨更無蹤
不如渭水沙中得

爭保鑾輿復九重

僖宗朝北省官

詩一首

寄兄

江鄰幾襟志云僖宗幸蜀有北省官避地江左而元昆扈蹕在蜀因寄詩

涉江今日恨偏多
援筆長吁欲奈何
倘使淚流西去得
便應添作錦江波

洪州將軍

詩一首

題屈原祠

青瑣集屈子沈沙之處在岳州境內汨羅江上有祠以漁父配享唐末有

洪州衙前軍將忘其姓名題一絕自後能詩者不能措手

蒼藤古木幾經春
舊祀祠堂小水濱
行客謾陳三酎酒
大夫元是獨醒人

貞元文士

詩一首

題端正樹

酉陽雜俎云長安西端正樹去馬嵬一舍之程迺德宗皇帝幸奉天觀其

蔽葦錫以美名有文士經過題詩逆旅不顯姓名

昔日偏霑雨露榮
德皇西幸賜嘉名
馬嵬此去無多地
合向楊妃冢上生

河北士人

詩二首

寄內詩

本事詩河北朱滔括兵不擇士族悉令赴軍自閱於毬場有士子容止可觀進

趨淹雅滔名問曰所業者何曰學為詩問有妻否曰有即令作寄內詩及代妻答詩援筆立成

滔憐之遺

束帛遣歸

握筆題詩易荷戈征戍難
慣從鴛被暖怯向雁門寒
瘦盡寬衣帶啼多漬枕檀
試留青黛著迴日畫眉看

代妻答詩

蓬鬢荆釵世所稀
布裙猶是嫁時衣
胡麻好種無人種

合是歸時底不歸

此詩一作女郎葛鵝兒作

元和舉子

詩一首

丙申歲詩

摭言曰元和十一年丙申中書舍人李逢吉下放高澥等三十三人多取

寒素時

有詩

元和天子丙申年三十三人同得仙袍似爛銀文似錦
相將白日上青天

懿宗朝舉子

詩一首

刺安南事詩

北夢瑣言云懿宗朝安南失于撫柔勞動兵役有舉子聞許卒二千

没于蠻鄉有詩以刺吟之知
失于授任為國家生事爾

南荒不擇吏致我交趾覆聯綿三四年致我交趾辱懦
者鬪則退武者兵益黷軍容滿天下戰將多金玉刮得
齊民瘡分為猛士祿雄雄許昌師忠武冠其族去為萬
騎風住為一川肉時有殘卒迴千門萬戶哭哀聲動閭
里怨氣成山谷誰能聽鼓聲不忍看金鏃念此堪淚流
悠悠潁川綠

白衫舉子

詩一首

歌

侯鯖錄敬翔當權時有一
舉子白衫作舞歌唱云

執板狂歌乞個錢塵中流浪且隨緣直饒到老常如此
猶勝危時弄化權

唐末朝士

詩一首

觀野花思京師舊遊

曾過街西看牡丹牡丹纔謝便心闌如今變作村園眼
鼓子花開也喜歡

西鄙人

詩一首

哥舒歌

天寶中哥舒翰為安西節度使控地數千里甚著威令故西鄙人歌此

北斗七星高哥舒夜帶刀至今窺牧馬不敢過臨洮

太上隱者

詩一首

荅人

古今詩話云太上隱者人莫知其本末好事者從問其姓名不荅留詩一絕云

偶來松樹下高枕石頭眠山中無歷日寒盡不知年

黃山隱

詩一首

向竹吟

雲溪友議云皇甫大夫素好道術在夏口時有一人著道士服策杖躡履直入

戟門公遽起迎之道士則傲然不窺向竹而吟云云自謂我是七賢中一賢也問姓名云黃山隱公未能明其真偽留於宮觀曰斯人若是至道名利俱捐試令軍將持書送絹百足錢一百

千文山隱啓緘忻喜立修迴報遂乃脫其道服
飾以青衿引見謝陳禮度甚恭殊異初來傲睨
之態皇甫公判書之未乃至盡刑山隱擬為妖
惑敢蔑公侯死無于吉致孫策鏡裏之妖來非
許邁起劉恢舟中之顧足見凡
愚自貽伊禍云是王相公事

積塵為太山掬水成東海富貴有時乖希夷無日改絳
節出空尚霓衣發光彩古者有七賢六個今何在

婺州山中人

詩一首

歌
孫光錄婺州有僧入山見一人古貌巾褐騎
牛手執鞭光鑠日色扣角而歌云云僧揖之

不應
馳去

靜居青嶂裏高嘯紫煙中塵世連仙界瓊田前路通

同谷子

詩五首

五子之歌

紀事云昭宗播岐何后用事有同谷子者詠五子之歌何后潛令秦王誅

之事未行而奔去

邦惟固本自安寧臨下常須馭朽驚何事十旬遊不返
禍胎從此召殷兵

酒色聲禽號四荒那堪峻宇又彫墻靜思今古為君者
未或因茲不滅亡

唯彼陶唐有冀方少年都不解思量如今筭得當時事
首為盤遊亂紀綱

明明我祖萬邦君典則貽將示子孫惆悵太康荒墜後
覆宗絕祀滅其門

仇讐萬姓遂無依顏厚何曾解怛怙五子既歌邦已失
一場前事悔難追

崔公佐客

詩一首

獻公佐詩

郡閣雅談云公佐牧郡日宴賓僚有一客中履不完衣破肘見突筵而入

崔喜其來令下牙籌引滿數觥神色自若飲妓
駭其藍縷因大噓客獻詩云云崔令掩口無咍
士賢

破額幘頭衫也穿使君猶許對華筵今朝幸倚文章守
遮莫青蛾笑揭天

洛中舉子

詩二首

贈妓茂英

太平廣記茂英年小時舉子與相
識後到江外偶於飲席遇之因贈

憶昔當初過柳樓茂英年小尚嬌羞隔窗未省聞高語
對鏡曾窺學上頭一別中原俱老大再來南國見風流

彈絃酌酒話前事零落碧雲生暮愁

又贈

舉子時謁節帥留連數月宴飲既頻茂英為酒糺諧戲頗洽一日告辭帥開筵送別

因暗留絕句與之帥取覽知其情即令人送付舉子

少插花枝少下籌須防女伴妬風流坐中若打占相令
除却尚書莫點頭

江陵士子

詩一首

寄故姬

盧氏雜記曰江陵寓居士子忘其姓名有美姬甚貧去遊交廣間戒其姬曰我

若五年不歸任爾改適去後五年未歸姬遂為前刺史所納在高麗坡底及明年歸已失姬所

在尋訪知處遂為詩寄之刺史見
詩給一百千及資裝遣還士子

陰雲幕幕下陽臺
惹著襄王更不迴
五度看花空有淚
一心如結不曾開
織蘿自合依芳樹
覆水寧思返舊杯
惆悵高麗坡底宅
春光無復下山來

織錦人

詩一首

吟盧氏襍說云盧氏子失第徒步出都城逆旅寒甚有一人續至附火吟云云盧愕然以為

白樂天詩問姓名曰姓李世織綾錦前屬東都
官錦坊近以薄伎投本行皆云以今花樣與前
不同不謂伎倆見以文彩求售
者不重於世如此且東歸去

學織繚綾功未多亂拈機杼錯拋梭莫教官錦行家見
把此文章笑殺他

句

如今不重文章士莫把文章誇向人

吏部選人

詩一首

送南中尉

羨君初拜職嗟我獨無名且是正員尉全勝兼試卿

建業卜者

詩一首

題紫微觀

昨日朝天過紫微
醮壇風冷杏花稀
碧桃泥我傳消息
何事人間更不歸

天嶠遊人

詩一首

題鄧仙客墓

鄧仙客晉延康代為國師錫紫服葬麻姑山

鶴老芝田雞在籠
上清那與俗塵同
既言白日升仙去
何事人間有殯宮

驪山遊人

詩一首

題故翠微宮

談苑云翠微寺在驪山絕頂舊驪宮也唐太宗避暑於此後寺亦廢

有遊人

題云

翠微寺本翠微宮樓閣亭臺幾十重
天子不來僧又去
樵夫時倒一株松

衡州舟子

詩一首

吟

語林云衡州人多文詞至於樵夫往往能言詩嘗有人赴廣州幕府夜聞舟中吟問之乃

其所作也

野鵲灘西一櫂孤
月光遙接洞庭湖
堪嗟迴雁峰前過

望斷家山一字無

華山老人

詩一首

月夜

澗水泠泠聲不絕
溪流茫茫野花發
自去自來人不知
歸時常對空山月

終南山翁

詩一首

終南

一作陳季卿詩

霜鶴鳴時夕
風急亂鴉又向寒
林集此君輟
權悲且吟

獨對蓮花一峰立

吳越失姓名人

詩五首

大慶堂賜宴元璠有詩呈吳越王

非為親賢展綺筵
恒常寧敢恣遊盤
綠搓楊柳綿初軟
紅暈櫻桃粉未乾
谷鳥乍啼聲似澀
甘霖方霽景猶寒
笙歌風緊人酣醉
却遶珍叢爛漫看

又和

櫻桃花下會親賢
風遠銅壺轉露盤
蝶下粉牆梅乍折

蟻浮金竿酒難乾
雲和緩奏泉聲咽
珠箔低垂水影寒
狂簡斐然吟詠足
却邀羣彥重吟看

再和

我有嘉賓宴乍歡
畫簾紋細鳳雙盤
影籠沼沚修篁密
聲透笙歌羯鼓乾
散後便依書篋寐
渴來潛想玉壺寒
櫻桃零落紅桃媚
更俟旬餘共醉看

重和

冷宴殷勤展小園
舞鞞柔軟綵虬盤
蓼花盡日疑頭重

病酒經宵覺口乾嘉樹倚樓青
瑣暗晚雲藏雨碧山寒
文章天子文章別八彩盧郎未可看

御製春遊長句

天意分明道已光春遊嘉景勝仙鄉
玉爐煙直風初靜銀漢雲銷日正長
柳帶似睂全展綠杏苞如臉半開香
黃鶯歷歷啼紅樹紫鷺關關語畫梁
低檻晚晴籠翡翠小池波暖浴鴛鴦
馬嘶廣陌貪新草人醉花堤怕夕陽
比屋管絃呈妙曲連營羅綺鬪時妝
全吳霸越千年後

獨此昇平顯萬方

御定全唐詩卷七百八十四

欽定四庫全書薈要卷一萬八千一百九十

集部

御定全唐詩卷七百八十五

無名氏

明月湖醉後薔薇花歌

萬朶當軒紅灼灼晚陰照水塵不著西施醉後情不禁
侍兒扶下藥珠閣柔條嫩藥一作葉輕鮪鰓一低一昂合

又開深紅淺綠狀不得日斜池畔香風來紅能柔綠能
軟濃淡參差相宛轉舞蝶雙雙誰喚來輕綃片片何人

剪白髮使君思帝鄉驅妻領女遊花傍持盃憶著曲江
事千花萬葉垂宮墻復有同心初上第日暮華筵移水
際笙歌日日徵教坊傾國名倡盡佳麗我曾此處同諸
生飛盃落盞紛縱橫將欲得到上天路剛向直道中行
去一朝失勢當如此萬事如灰壯心死誰知奏御數萬
言翻割龜符四千里丈夫達則賢窮則愚胡為紫胡為
朱莫思身外窮通事且醉花前一百壺

春二首

裊裊東風吹水國金鴉影暖南山北蒲抽小劍割湘波
柳拂長眉舞春色白銅堤下煙蒼蒼林端細蘂參差香
綠桑枝下見桃葉迴看青雲空斷腸

烏足遲遲日宮裏天門擊鼓龍蛇起風師剪翠換枯條
青帝按藍染江水蜂蝶繽紛抱香蘂錦鱗跳擲紅雲尾
繡衣白馬不歸來雙成倚檻春心醉

夏

赤帝旗迎火雲起南山石裂吳牛死繡楹夜夜箔鰕鬚

象榻重重簟湘水
彤彤日脚燒冰井
古陌塵飛野煙靜
漢帝高堂汗若珠
班姬明月無停彩

秋

月色驅秋下穹昊
梁間燕語辭巢蚤
古苔凝紫貼瑤堦
露槿啼紅墮江草
越客羈魂挂長道
西風欲揭南山倒
粉娥恨骨不勝衣
映門楚碧蟬聲老

冬

蒼茫枯磧陰雲滿
古木號空晝光短
雲擁三峰嶽色低

冰堅九曲河聲斷
浩汗霜風刮天地
溫泉火井無生意
澤國龍蛇凍不伸
南山瘦柏銷殘翠

雞頭

湖浪參差疊寒玉
水仙曉展鉢盤綠
淡黃根老栗皴圓
染青刺短金罌熟
紫羅小囊光緊蹙
一掬真珠藏蝟腹
叢叢引觜傍蓮洲
滿川恐作天雞哭

紅薔薇

一作莊南傑詩

九天碎霞明澤國
造化工夫潛剪刻
淺碧眉長約細枝

深紅刺短鉤春色晴日當樓曉香歇錦帶盤空欲成結
謝豹聲催麥隴秋春風吹落猩猩血

斑竹簟

龍鱗滿牀波浪濕血光點點湘娥泣一片晴霞凍不飛
深沈盡訝蛟人立百朶排花蜀纈明珊瑚枕滑葛衣輕
閒窗獨卧曉不起冷浸羈魂錦江裏

聽琴

六律鏗鏘間宮徵伶倫寫入梧桐尾七條瘦玉叩

印一作

寒星萬派流泉哭
纖指空山雨脚隨
雲起古木燈青嘯
山鬼田文墮淚曲
未終子規啼血哀
猿死

石榴

蟬嘯秋雲槐葉齊
石榴香老庭枝低
流霞色染紫罌粟
黃蠟紙苞紅瓠犀
玉刻冰壺含露溼
漏斑似帶湘娥泣
蕭娘初嫁嗜甘酸
嚼破水精千萬粒

秦家行

琴字飛光照天地
九天瓦裂屯冤氣
鬼哭聲聲怨趙高

宮花滴盡扶蘇淚禍起蕭牆不知戢羽書催築長城急
劍上忠臣血未乾沛公已向函關入

小蘇家

雙月謳誼輾秋碧細風斜掩神仙宅麥門冬長馬鬣青
茱萸藥綻蠅頭赤流蘇斗帳懸高壁綵鳳盤龍綴香額
堂內月娥橫剪波倚門腸斷鰕鬚隔

斑竹

濃綠疎莖遶湘水春風抽出蛟龍尾色抱霜花粉黛光

枝撐蜀錦紅霞起
交戛敲歌無俗聲
滿林風曳刀槍橫
殷痕苦雨洗不落
猶帶湘娥淚
血腥媚娜梢頭掃秋月
影穿林下疑殘雪
我今慙愧子猷心
解愛此君名不滅

天竺國胡僧水晶念珠

天竺胡僧踏雲立
紅精素貫鮫人泣
細影疑隨焰

一作爛

火銷圓光恐滴袈裟溼
夜梵西天千佛聲
指輪次第驅
寒星若非葉下滴
秋露則是井底圓
春冰淒清妙麗應
難並眼界真如意
珠靜碧蓮花下獨
提攜堅潔何如幻

泡影

白雪歌

皇穹何處飛瓊屑散下人間作春雪
五花馬踏白雲衢
七香車碾瑤墀月蘇坼乳洞擁山家
澗藤古栗盤銀虵
寒郊復疊鋪柳絮古磧爛漫吹蘆花
流泉不下孤汀咽
斷臂老猿聲欲絕鳥啄冰潭玉鏡開
風敲簷溜水晶折
拂戶初疑粉蝶飛看山又訝白鷗歸
孫康凍死讀書闈
火井不煖溫泉微

琵琶

粉骨繡臆誰家女香撥星星共春語七盤嶺上走鸞鈴
十二峰頭弄雲雨千悲萬恨四五絃絃中甲馬聲駢聞
山僧撲破瑠璃鉢壯士擊折珊瑚鞭珊瑚鞭折聲交戛
玉盤傾瀉真珠滑海神驅趁夜濤回江娥蹙踏春冰裂
滿坐紅妝盡淚垂望鄉之客不勝悲曲終調絕忽飛去
洞庭月落孤雲歸

傷哉行

免走烏飛不相見人事依稀速如電王母天桃一度開
玉樓紅粉千回變車馳馬走咸陽道石家舊宅空荒草
秋雨無情不惜花芙蓉一一驚顛倒勸君莫謾栽荆棘
秦皇虛費驅山力英風一去更無言白骨沈埋暮山碧
留贈偃師主人

孤城漏未殘徒侶拂征鞍洛北去愁遠淮南歸夢闌曉
燈迴壁暗晴雪卷簾寒更盡主人酒出門行路難

長門

悵望黃金屋恩衰似越逃花生針眼刺月送剪腸刀地
近歡娛遠天低雨露高時看迴輦處淚臉濕天桃

宴李家宅

畫屏深掩瑞雲光羅綺花飛白玉堂銀盃酒傾魚尾倒
金鑪灰滿鴨心香輕搖綠水青蛾斂亂觸紅絲皓腕狂
今日恩榮許同聽不辭沈醉一千觴

長信宮

細草侵堦亂碧鮮宮門深鎖綠楊天珠簾欲捲擡秋水

羅幌微開動冷煙
風引漏聲過枕上月移花影到窗前
獨挑殘燭魂堪斷
却恨青蛾誤少年

驪山感懷

武帝尋仙駕海遊
禁門高閉水空流
深宮帶日年年色
翠柏凝煙夜夜愁
鸞鳳影沈歸萬古
歌鐘聲斷夢千秋
晚來惆悵無人會
雲雨能飛傍玉樓

絕句

石沈遼海濶劍別楚山長
會合知無日離心滿夕陽

聽唱鷓鴣

金谷歌傳第一流
鷓鴣清怨碧雲愁
夜來省得曾聞處
萬里月明湘水流

雜詩

勸君莫惜金縷衣
勸君須惜少年時
有花堪折直須折
莫待無花空折枝

青天無雲月如燭
露泣梨花白如玉
子規一夜啼到明
美人獨在空房宿

空賜羅衣不賜恩一薰香後一銷魂雖然舞袖何曾

一作

時

舞常對春風裏淚痕

不洗殘妝凭繡床也同女伴

一作却嫌鶉鴝

繡鴛鴦迴鍼刺到

雙飛處憶著征夫淚數行

眼想心思夢裏驚無人知我此時情不如池上鴛鴦鳥
雙宿雙飛過一生

一去遼陽繫夢魂忽傳征騎到中門紗窗不肯施紅粉
徒遣蕭郎問淚痕

鶯啼露冷酒初醒
罨畫樓西曉角鳴
翠羽帳中人夢覺
寶釵斜墜枕函聲

行人南北分征路
流水東西接御溝
終日坡前怨離別

謾名長樂是長愁

一作白
居易詩

偏倚繡床愁不起
雙垂玉筍翠鬟低
卷簾相待無消息

夜合花前

一作
開

日又西

悔將淚眼向東開
特地愁從望裏來
三十六峰猶不見
況伊如鷺這身材

滿目笙歌一段空
萬般離恨總隨風
多情為謝殘陽意
與展晴霞片片紅

兩心不語暗知情
燈下裁縫月下行
行到堦前知未睡
夜深聞放剪刀聲

近寒食雨草萋萋
麥苗風柳映堤
早是有家歸未得
杜鵑休向耳邊啼

水紋珍簟思悠悠
千里佳期一夕休
從此無心愛良夜
任他明月下西樓

數日相隨兩不忘
郎心如妾妾如郎
出門便是東西路
把取紅牋各斷腸

無定河邊暮角聲
赫連臺畔旅人情
函關歸路千餘里
一夕秋風白髮生

花落長川草色青
暮山重疊兩冥冥
逢春便覺飄蓬苦
今日分飛一涕零

洛陽才子隣簫恨
湘水佳人錦瑟愁
今昔兩成惆悵事
臨邛春盡暮江流

浙江輕浪去悠悠望海樓吹望海愁莫怪鄉心隨魄斷
十年為客在他州

初過漢江

襄陽好向峴亭看人物蕭條值歲闌為報習家多置酒
夜來風雪過江寒

讀庾信集

四朝十帝盡風流建業長安兩醉游惟有一篇楊柳曲
江南江北為君愁

御定全唐詩卷七百八十五

總校官庶吉士
校對官庶吉士
王嘉稷

總校官庶吉士臣張能照

校對官庶吉士臣翟槐

膳錄貢生臣王嘉稷

欽定四庫全書薈要

集部

御定全唐詩卷七百八十九

六至

詳校官原任主事臣李斯咏



欽定四庫全書蒼要卷一萬八千一百九十一集部

御定全唐詩卷七百八十六

無名氏

題長樂驛壁

撫言云大中十年鄭顥典文放牒後謁假觀省於洛生徒餞長樂驛

俄有紀於屋壁云

三十驂騑一烘塵來時不鎖杏園春
楊花滿地如飛雪
應有偷游曲水人

絕句

傳聞天子訪沈淪萬里懷書西入秦
早知不用無媒客
恨別江南楊柳春

題取經詩

載翻譯名義集云
唐義淨三藏作

晉宋齊梁唐代間高僧求法離長安
去人成百歸無十
後者安知前者難路遠碧天唯冷結
沙河遮日力疲殫
後賢如未諳斯旨往往將經容易看

題水心寺水軒

有人以詩謁嶺南李國老
大加稱賞賚數百緡於金陵酒樓數

日而盡醉中挂帆數百里至落星灣
半醒煙雨中登水心寺題詩于水軒

分飛南渡春風晚却返家林事業空無限離情似楊柳
萬條垂向楚江東

王昭君

猗蘭恩寵歇昭陽幸御稀朝辭漢闕去夕見胡塵飛寄
信秦樓下因書秋雁歸

又

一作崔
國輔詩

一回望月一回悲望月月移人不移何時得見漢朝使
為妾傳書斬畫師

粉牋題詩

二月江南花滿枝
風輕簾幙燕爭飛
游人休惜夜秉燭
楊柳陰濃春欲歸

詠美人騎馬

駿馬嬌仍穩
春風灞岸晴
促來金鐙短
扶上玉人輕帽
束雲鬟亂
鞭籠翠袖明
不知從此去
何處更傾城

六言詩

把酒留君聽琴
那堪歲暮離心
霜葉無風自落
秋天不

雨多陰人愁荒村路遠馬怯寒溪水深望盡青山猶在
不知何處相尋

胡笳曲

月明星稀霜滿野羶車夜宿陰山下漢家自失李將軍

單于公然

一作
日暮

來牧馬

桃源行送友人

武陵川徑入幽遐中有雞犬秦人家家家傍流水多桃花
桃花兩邊種來久流水一道何時有垂條落蕊暗春風

夾岸芳菲至山口歲歲年年能寂寥林下青苔日為厚
時有仙鳥來銜花曾無世人此攜手可憐不知若為名
君往一作從之多所更古驛荒橋平路盡崩湍怪石小
谿行相見維舟登覽處紅堤綠岸宛然成多君此去從
仙隱令人晚節悔營營

唐衢墓

一作賈島詩

京洛先生三尺墳陰風慘慘土和雲從來有感君皆哭
今日無君誰哭君

宮詞

花萼樓前春正濃
濛濛柳絮舞晴空
金錢擲罷嬌無力
笑倚欄干屈曲中

拋毬詩

一作李
謹言詩

侍宴黃昏未肯休
玉階夜色月如流
朝來自詫承恩最
笑倩傍人認繡毬

艷歌

月裏嫦娥不畫眉
只將雲霧作羅衣
不知夢逐青鸞去

猶把花枝蓋面歸

楊柳枝

萬里長江一帶開
岸邊楊柳幾千栽
錦帆未落西風起
惆悵龍舟去不迴

河中石刻

許彥周云嘉祐中河濱漁網得一小石刻有此不知唐時何人作

雨滴空堦曉無心
換夕香并梧花落盡
一半在銀床

古硯

癖性愛古物終歲求
不得昨朝得古硯
蘭河灘之側波

濤所擊觸背面生隙隙質狀朴且醜令人作不得

絕句

釣罷孤舟繫葦梢酒開新甕鮓開包自從江浙為漁父
二十餘年手不攬

題童氏畫

宣和畫譜童氏者五代時江南人畫學王齊工道釋人物有文士題其畫

云

林下材華雖可尚筆端人物更清妍如何不出深閨裏
能以丹青寫外邊

失題

第五句
缺一字

春朝散微雨庭樹開芸綠上有懷春鳥間關斷復續謂
言野中定是珠城曲我自牽時幸以慚羈旅束爾不
鳴幽林來此將何欲

姜宣彈小胡笳引歌

蜀中方物記桂府王推官
出蜀匠雷氏金徽琴請姜

宣彈小胡笳引時
有為作歌者云

雷氏金徽琴王君寶重輕千金三峽流中將得來明窗
拂席幽匣開朱絃宛轉盤鳳足驟擊數聲風雨迴哀笳

慢指董家本姜宣得之妙思忖况徽胡雁咽蕭蕭繞指
輓轡圓袞袞吞恨含情乍輕激故國關山心歷歷潺湲
疑是舞鷗鷁若驕如聞發鳴鏑流宮變徵漸幽咽別雀
欲飛猿欲絕秋霜滿樹葉辭風寒雛墜地烏啼血哀絃
已罷春恨長恨長何如懷我鄉我鄉安在長城窟聞君
膚奏心飄忽何時窄袖短貂裘臙脂山下彎明月

羅浮山

太平廣記云此山本只名羅山忽海上
有山浮來相合是謂羅浮山有十五嶺

二十一峯九百八十瀑泉洞穴
他山無出其右也舊有詩曰

四百餘峰海上排根連蓬島蔭天台百靈若為移中土
嵩華都為一小堆

湯周山

山在今萬載縣相傳晉湯周二仙人修道之所故名

湯周二大仙廬此得昇天風俗因興廟春秋不記年錦
雲張紫蓋琴溜瀉鳴泉丹竈猶存鼎仙花發故園

永州舜廟詩

輿地碑目云虞帝廟在州學西唐元結作舜廟狀及舜祠表俱江華

令瞿令問篆刻石上按志舊載謂漢載侯熊渠作不知何謂詩乃唐人作也

游湘有餘怨豈是聖人心行路猿啼古祠宮夢草深素

風傳舊俗異跡閉荒林
巡狩去不返煙雲愁至今
九嶷天一半山盡海沈沈

絕句

綠楊陰轉畫橋斜
舟有笙歌岸有花
盡日會稽山色裏
蓬萊清淺水仙家

三學山盤陀石上刻詩

拔地山巒秀排空
殿閣斜雲供數州
雨樹獻九天花
夜月摩峰頂秋鐘
徹海涯長松拂星漢
一一仙槎

合水縣玉泉石崖刻

山脉逗飛泉泓澄傍巖石亂垂寒玉篠碎灑珍珠滴澄
波涵萬象明鏡瀉天色有時乘月來賞詠還自適

紀遊東觀山

山在桂林府城外三里

瑰竒恣搜討貝闕青瑤房才隘疑永巷俄敞如華堂玉
梁窈浮溪瓊戶正當窗仙佛肖彷彿鐘鼓鎗擊撞聶聶
左顧龜狴狴欲吠龍丹竈儼亡恙芝田靄生香搏噬千
怪聚絢爛五色光更無一塵浣但覺六月涼玲瓏穿屢

折詰曲通三湘神鬼若剌刺乾坤真混茫入如深夜暗
出喜皦日光隔世驚瞬息異境難揣量

題焚經臺

譯經圖紀云漢明帝世佛法初入中國于永平十四年正月十五日大集

白馬寺南門會道士齋靈寶諸經與佛經像舍利置兩壇舉火焚燒佛舍利放光道經獨燬爐無存後人因其處稱焚經臺也此詩載翻譯名義集云唐太宗作其聲調不類要是後人妄托

門徑蕭蕭長綠苔一回登此一徘徊青牛謾說函關去
白馬親從印土來確實是非憑烈焰要分真偽築高臺
春風也解嫌狼籍吹盡當年道教灰

御定全唐詩卷七百八十六

欽定四庫全書蒼要卷一萬八千一百九十二

集部

御定全唐詩卷七百八十七

無名氏

日暮山河清

天高爽氣晶馳景忽西傾山列千重靜河流一帶明想
同金鏡澈寧讓玉壺清纖翳無由出浮埃不復生縈紆
分漢苑表裏見秦城逸興終難繫抽毫仰此情

秋日懸清光

寥廓涼天靜晶明白日秋圓光含萬象碎影入閒流迴
與青冥合遙同江甸浮晝陰殊衆木斜影下危樓宋玉
登高怨張衡望遠愁餘輝如可託雲路豈悠悠

落日山照曜

裊回空山下晚晚殘陽落圓影過峰巒半規入林薄餘
光澈羣岫亂彩分重壑石鏡共澄明巖光同照灼棲禽
去杳杳夕煙生漠漠此境

一作景

誰復知獨懷謝康樂

月映清淮流

淮月秋偏靜，含虛夜轉明。
桂花窺鏡發，蟾影映波生。
澹澹輪初上，裊回魄正盈。
遙塘分草樹，近浦寫山城。
桐柏流光逐，蠙珠濯景清。
孤舟方利涉，更喜照前程。

壽星見

玄象今何應，時和政亦平。
祥為一人壽，色映九霄明。
皎潔垂銀漢，光芒近斗城。
含規同月滿，表瑞得天清。
甘露盈條降，祥煙向日生。
無如此嘉祉，率土荷秋成。

華山慶雲見

聖主祠名岳高風發慶雲金柯初繚繞玉葉漸氤氳氣
色含珠日光明吐翠雲依稀來鶴態髣髴列仙羣萬樹
流光影千潭寫錦文蒼生忻有望祥瑞在吾君

清風戒寒

蕭颯清風至悠然發思端入林翻別葉繞樹敗紅蘭曉
拂輕霜度宵分遠籟攢稍依簾隙靜徧覺座隅寒乍逐
驚蓬振偏催急漏殘遙知洞庭水此夕起波瀾

空水共澄鮮

悠然四望通渺渺水無窮海鶴飛天際煙林出鏡中雲
消澄徧碧霞起澹微紅落日浮光滿遙山翠色同樵聲
喧竹嶼擢唱入蓮叢遠客舟中興煩襟暫一空

寒流聚細文

曉野方閒眺橫溪賞亂流寒文趨浦急圓折逐煙浮不
謂飄疎雨非關浴遠鷗觀魚鱗共細間石影疑稠獵獵
風冷夕潺潺瀨響秋仙槎如共泛天漢適淹留

長安早春

香靄三春色先從帝里芳折揚猶恨短測景已忻長鶯
和紅樓樂花連紫禁香躍魚驚太液佳氣接溫湯風送
飛珂響塵蒙翠輦光熙熙晴煦遠徒欲奉堯觴

嘉禾合穎

天祚皇王德神呈瑞穀嘉感時苗特

一作自

秀證道葉方

華氣轉騰佳色雲披映早霞薰風浮合穎湛露淨祥花
六穗垂兼倒孤莖嫋復斜影同唐叔獻稱慶比周家

膏澤多豐年

帝德方多澤，莓莓井徑同。
八方甘雨布，四遠報年豐。
慶千箱在山流，萬壑通候時。
勤稼穡，擊壤樂農功。
畎畝人無惰，田廬歲不空。
何須憂伏臘，千載賀堯風。

玉壺冰

玄律陰風勁，堅冰在玉壺。
暗中花更出，曉後色全無。
涸涸誰能伴，淒淒詎可渝。
任圓空似璧，照物不成珠。
素質情方契，孤明道豈殊。
幽人若相比，還得詠生芻。

望禁苑祥光

佳氣生天苑
蔥籠幾效祥
樹遙

一作搖

三殿際日映九城

傍山霧寧同色
卿雲未可彰
眺汾疑鼎氣
臨渭想榮光
當並春陵發
應開聖歷長
微臣時一望
短羽欲飛翔

晨光動翠華

早朝開紫殿
佳氣逐清晨
北闕華旌在
東方曙景新
影連香霧合
光媚慶雲頻
鳥羽飄初定
龍文照轉真
直疑冠佩入
長愛冕旒親
搖動祥雲裏
朝朝映侍臣

觀南郊回仗

傳警千門寂南郊綵仗回但驚龍再見誰識日雙開德
澤施雲雨恩光變燼灰閱兵貌武振聽樂鳳凰來候刻
移宸輦尊時集觀臺多慙遠臣賤不得禮容陪

謁見日將至雙闕

曉色臨雙闕微臣禮位陪遠驚龍鳳覩誰識冕旒開謁
謁千年盛顛顛萬國來天文標日月時令布雲雷迴出
黃金殿全分白玉臺雕蟲意一作竟何取瞻戀不知迴

尚書郎上直聞春漏

地即尚書省人惟鴛鴦行審時傳玉漏直夜遞星郎歷
歷聞仙署泠泠出建章自空來斷續隨月散淒鏘物靜
知聲遠一作近寒輕覺夜長聽餘殘月落曙色滿東方

華清宮望幸

驪岫接新豐宮堯駕碧空鑿山開祕殿隱霧蔽仙宮絳
闕猶棲鳳雕梁尚帶虹溫泉曾浴日華館舊迎風肅穆
瞻雲輦深沈閉綺櫳東郊望幸處瑞氣靄濛濛

御題國子監

宸翰符玄造榮題國子門筆鋒迴日月字勢動乾坤簷
下雲光繞梁間鵲影翻張英聖莫擬索靖妙難言為著
盤龍迹能彰舞鳳躡更隨垂露像常以沐皇恩

郊壇聽雅樂

泰壇恭祀事彩仗下寒坳展禮陳嘉樂齋心動衆靈韻
長飄更遠曲度靜宜聽泛響何清越隨風散杳冥徹懸
和氣聚旋退曉山青本自鈞天降還疑列洞庭

冊上公太常奏雅樂

司樂陳金石逶迤引上公奏音人語絕清韻佩聲通應
律煙雲改來儀鳥獸同得賢因舉頌修禮便觀風聖壽
三稱內天歡九奏中寂寥高曲盡猶自滿宸聰

聽霜鐘

渺渺飛霜夜寥寥遠岫鐘出雲疑斷續入戶乍春容度
枕頻驚夢隨風幾韻松悠揚來不已杳靄去何從髣髴
煙嵐隔依稀巖嶠重此時聊一聽餘響繞千峰

聽霜鐘

寥亮來豐嶺分明辨古鐘應霜如自擊中節每相從靜
聽非閒扣潛應蘊聖蹤風間時斷續雲外更春容虛警
和清籟雄鳴隔亂峰因之論知己感激更難逢

笙磬同音

笙磬聞何處淒鏘宛在東激揚音自徹高下曲宜同歷
歷俱盈耳泠泠遞散空獸因繁奏舞人感至和通詎間
洪纖韻能齊搏拊功四懸今盡美一聽辨移風

玉卮無當

共惜連城寶翻為無當卮詎慙君子貴深訝拙工墮泛
蟻功全少如虹色不移可憐珍礫石何計辨糟醜江海
誠難滿盤筵莫妄施縱乖斟酌意猶得奉光儀

府試古鏡

舊是秦時鏡今來古匣中龍盤初挂月鳳舞欲生風石
黛曾留殿珠光適在宮應祥知道秦監物覺神通肝膽
誠難隱妍媸信易窮幸居君子室長願免塵蒙

焚裘

令主臨前殿，懲奢熱異裘。
忽看陽焰發，如覩吉光流。
麗彩辭宸扆，餘香在御樓。
火隨餘燼滅，氣逐遠煙浮。
素朴回風變，凋華逐志休。
永垂恭儉德，千古揖皇猷。

送薛大夫和蕃

戎王歸漢命，魏絳諭皇恩。
旌旆辭雙闕，風沙上五原。
往途遵塞道，出祖耀都門。
策令天文盛，宣威使者尊。
澄波看四海，入貢佇諸蕃。
秋杪迎迴騎，無勞枉夢魂。

觀劍南獻捷

遐圻新破虜名將舊登壇戎馘西南至氍裘長幼觀邊
疆氛已息矛戟血猶殘紫陌歡聲動丹墀喜氣盤唐虞
方德易衛霍比功難共覩俘囚入賡歌萬國安

雲母屏風隔坐

彩障成雲母丹墀隔上公才彰二紀盛榮播一朝同近
玉初齊白臨花乍散紅凝姿分縹緲轉佩辨璫瓏意愜
恩偏厚名新寵更崇誰知歷千古猶自仰清風

白受采

晶晶金方色遷移妙不窮輕衣塵跡化淨壁

一作筆

績文

通沙變藍溪漬冰渝墨沼空似甘言受和由禮學資忠
皎潔形無定玄黃用莫同素心如可教願染古人風

人不易知

權衡諒匪易愚智信難移九德皆殊進三端豈易施同
稱崑岫寶共握桂林枝鄭鼠今奚別齊竽或濫吹瑤臺
有光一作空鑑屢照不應疲片善當無掩先鳴貴在斯龍
門峻且極驥足庶來馳太息李元禮期君幸一知

晦日同志昆明池汎舟

靈沼疑河漢蕭條見斗牛
煙生知岸近水淨覺天秋
落月低前樹清輝滿去舟
興因孤嶼起心為白蘋留
曉吹兼漁笛閒雲伴客愁
龍津如可上長嘯且乘流

禮闈階前春草生

河畔雖同色南宮淑景先
微開曳履處常對講經前
得地風塵隔依林雨露偏
已逢霜候改初寄日華妍
影與叢蘭雜榮將衆卉連
哲人如不雜生意在芳年

秋風生桂枝

寒桂秋風動蕭蕭自一枝方將擊林變不假舞松移散
翠幽花落搖青密葉離哀猿驚助裏花露滴爭垂遺韻
連波聚流音萬木隨常聞小山裏逋客最先知

幽人折芳桂

厚地生芳桂遙林聳幹長葉開風裏色花吐月中光曙
鳥啼餘翠幽人愛早芳動時垂露滴攀處拂衣香古調
聲猶苦孤高力自強一枝終是折榮耀在東堂

霜菊

秋盡北風去律移寒氣肅淅瀝降繁霜離披委殘菊華
滋尚照灼幽氣含紛郁的的冒空園萋萋被幽谷騷人
有遺詠陶令曾盈掬儻使懷袖中猶堪襲餘馥

金谷園花發懷古

春風生梓澤遲景映花林欲問當時事因傷此日心繁
華人已歿桃李意何深澗咽歌聲在雲歸蓋影沈地形
同萬古笑價失千金遺跡應無限芳菲不可尋

驪龍

有美為鱗族潛蟠得所從標竒初韞寶表智即稱龍大
經長千里深泉固九重奮鬣雲乍起矯首浪還衝荀氏
傳高譽莊生翼絕蹤仍知流淚在何幸此相逢

鶴鳴九皋

胎化呈仙質長鳴在九皋排空散清唳映日委霜毛萬
里思寥廓千山望鬱陶香凝光不見風積韻彌高鳳侶
攀何及雞羣思忽勞昇天如有應飛舞出蓬蒿

霜隼下晴臯

九臯霜氣勁翔隼下初晴風動閒雲卷星馳白草平稜
稜方厲疾肅肅自縱橫掠地秋毫迴投身逸翮輕高墉
全失影逐雀作一作飛聲薄暮寒郊外悠悠萬里情

河鯉登龍門

年久還求變今來有所從得名當是鯉無點可成龍備

歷艱難徧因期造化容泥沙寧不阻釣餌莫相逢擊一作

激浪因成勢纖鱗莫繼蹤若令搖尾去雨露此時濃

御定全唐詩卷七百八十七